



ル 5
3143
7



門 儿 5  
號 3143  
卷 7

尚書志卷十五

翰林院編修孫星衍

假師縣知縣湯毓尊

詞纂

節傳

唐

燕欽融

舊唐書忠義傳假師人景隆末為許州司戶參軍時  
常庶人干預國政盛封拜羣從子弟又與悖逆庶人  
及駙馬都尉武延秀中書令宗楚客等將危社稷欽  
融連章上奏其事庶人大怒勸中宗召欽融廷見撰

假師縣志

卷十五 忠節傳

殺之宗楚客令執法加刃欽融因而致死睿宗卽位  
下制曰許州司戶參軍燕欽融先陳忠讜類列章奏  
雖干非其位而進不顧身永言奄亡誠所傷悼方  
言路宜慰竈宷可贈諫議大夫仍備禮改葬特授一  
子官

亭 炕

新唐書畢構傳構子炕天寶末爲廣平太守拒安  
山城陷覆其家贈戶部尚書唐書宰相世系表  
部員外郎吳郡太守江南採訪使

明

舊志生員正德壬申流寇攻掠偃師惟一携家避難  
城東山谷間爲賊所得逼之降挺節不屈闔家焚死  
未 平

舊志字對山天啟時人有勇力能擒巨賊賊退入晉  
後遭賊害上官表其忠祭文勒碑現存

段增祉

舊志幼負勇畧明末羣寇起隨父兄避亂邵家寨增  
祉年甫冠倡義守寨賊焚其祖居廬舍復設伏縛增  
祉致寨下逼其降衆增祉大呼衆曰我死寨尙可保

勿畏賊落膽也賊毒加鞭拷斃血滿地仍不屈復誘之曰爾父在城上痛哭命爾降恐違父命乎增社曰父豈教我不義者罵益厲賊怒殺之屍立半日不仆是夕風霾暄天賊駭遁去寨賴以完人咸德之增社被難時藁葬未得其首後族人醵錢葬之鑄金爲首焉妻黃氏聞增社殉難亦投井死別有傳

蔡東莊

舊志孫家灣人與四子二孫俱有勇力崇禎十七年闖寇掠偃師執東莊逼令降挺節不屈合家二十餘口俱罵賊死賊去壻某收其尸藁葬土窟中康熙初

族人文澍兄弟置棺二十餘口殮葬之今在 妻好義

舊志明末土賊李際遇蹂躪伊洛間里人築寨相禦好義與子生蕃同心固守生蕃語父曰兒爲諸生無降賊理倘寨破惟辦一死好義曰生員不降賊百姓顧可降賊乎父子戮力捍禦時同里有與賊通者說之降終不屈辱詈之去賊遂悉力來攻父子俱被執賊猶欲降好義乃先殺生蕃以嚇之好義曰一子何惜屠盡家口不顧也至死罵不絕口

王孔山

舊志字嵩川體幹雄偉以英勇聞先是土寇謀陷城  
墩孔山多金欲其為內應孔山怒拒不從後崇禎壬  
午賊大至城陷家室盡屠倉卒避亂磨盤寨寨又陷  
被執賊溫語勸降孔山仍罵不絕口父子九人同日  
遇害僅遺一子家賓寇去後尋父屍葬之卒年五十  
三家賓別傳

武同芳

明史忠義傳賊攻偃師殺同芳母同芳噴血大罵  
怒支解而死

張毓粹子張一鷺張一鵬

明史忠義傳賊攻偃師毓粹率二子一鷺一鵬依有  
司固守城城陷大罵三人同日遇害

舊志毓粹與子一鷺一鵬俱邑廩生妻蔣氏及三女  
二孫咸投井死

喬于崑

明史忠義傳城陷死節

舊志于崑諸生被執不屈投洛河死

蔣完齷

明史忠義傳城陷與妻張氏俱被執大罵不屈賊重  
磔之

舊志完積諸生妻張氏別有傳

劉芳名

明史忠義傳賊至抗節死妻張氏罵賊死

舊志芳名諸生被賊執猶手擊賊為賊支解極慘妻

張氏別有傳

裴君合

明史忠義傳君合幼孤母苦節孝養惟謹賊至聚家

保沙岸寨攻圍十晝夜不克說之降大罵不從寨破

被磔

牛一元

明史忠義傳賊陷城抗節死

舊志一元與子應龍俱諸生同被執一元大罵賊

之應龍裂其縛奪賊刀刺死刃父者賊遁去

王邦紀

明史忠義傳賊至與妻高氏罵賊死之

輒倬按郡志又有劉邦紀童鉦曰劉邦紀與王邦紀

應似一人然明史已載故並存之

劉芳世

明史忠義傳城陷死節

舊志芳世受知縣徐日泰部署守城賊攻城危甚芳

忠節傳

卷十五 忠節傳

五

世突重圍與賊戰失利沒於陣城遂陷時被執不屈而死

喬國屏諸生王光顯蘭相裔蘭芝粹

明史忠義傳賊攻偃師俱抗節死

張爾縉

舊志庠生城破肅衣冠拜家廟自縊

爾挺粹

舊府志邑諸生賊至倡守安樂寨火藥盡寨破被殺不少屈賊磔之

王玉振 化澤

舊志賊陷城玉振從容衣冠被磔死化澤為賊戮

死

劉似山 爾挺幹 劉芳聲 爾相明 劉日瑛

子薦

舊志皆諸生遇寇抗節不屈死

爾相聲 齊璉 爾憲 劉柱 王大典 張汝盈

爾完富 爾挺生 王天鳳 王振宇

舊志十人皆義民遇賊不屈死

鄭筠亭 鄭芸亭

府志明末流賊攻偃師筠亭兄弟同心守城城陷賊

執筠亭筠亭大罵賊割其舌罵不絕支解之芸亭見  
兄赴難入賊營尋兄屍不獲亦厲聲罵賊手刃之身  
被十數創死

蔡永芳

府志偃師貢生明季流寇至從令守城城陷死之

偃師縣志卷十六

翰林院編修孫星衍

偃師縣知縣湯毓倬

政績傳

漢

孟郁

隸釋孟郁修堯廟碑字敬達偃師人治尚書經博覽  
衆文天姿瑋疾體性溫仁闢極道之要妙游觀六藝  
之原據旋機之政務在濟民歷典六郡威教若神遺  
訓垂歌廣祈多福雯雯夙興聞帝堯陵在成陽遣戶



曹掾史具中牢祠常以甲子日與西宮樂生俱詣大  
聖陳上古之禮舞先王之樂鞀磬椀鼓五音之儀莫  
不盡脩行禮未周景雲四集翔風膏雨卽時大降節  
知聖堯精靈與天通神乃修治宮殿上下相承無所  
遺失 新增

唐

單嫻 單增

新唐書單構傳構子炕拒安祿山死覆其家嫻舉  
經爲臨渙尉徐州節度使張建封高麗節聞嫻篤行  
表署幕府攝行離令調王屋尉以謹廉聞喜賓客未  
嘗以有無計及歿無賞治喪云弟增爲河北從事

遷御史中丞

徐倫

新唐書徐有功傳偃師人初寶孝謹妻龐爲其奴怖  
以妖祟教爲夜解因告以厭詛薛季昶鞠之龐當死  
子希誠訟冤有功明其枉有功卒希誠請以已官讓  
有功子倫以報舊德由是自大理司直遷恭陵令

宋

趙及

宋史本傳父的爲偃師令遂家焉及舉進士和厚廉

偃師縣志

卷十六 政績傳

七

退尤篤內行歷知數州吏民愛之累遷右諫議大夫  
承景

宏簡錄字伯晦偃師人第進士調榮澤簿知汧源縣  
發廩賑給多所全活歷汝壽二州樂外郭以環居民  
公私稱便終光祿卿年七十一卒

元

拔思溥

舊志偃師人舉進士至正間為聞喜令六事俱備政  
治有聲部使舉為守令最朝廷賜官帛以榮褒之

舊志字德修世為偃師人元季為山西平陽路總管  
因世亂解官隱居城南白雲山號白雲先生明洪武  
初徵授浙江曠縣尹資之官獨挈妻杜氏俱行每退  
食自持杵曰清聲遠播擢授紹興知府仁明慈愛為  
民辯冤甚眾卒於官民輟歌巷哭立祠祀之

詹士華

通志偃師人性純篤節操堅確洪武初以賢士舉授  
湖廣右布政使

王敬先

通志優師人性孝友博通經史工文辭洪武中以賢  
良舉授山西布政司左參政

王讓

山東流寓志優師人由洪武間鄉薦歷官參政多官  
績游穀亭鎮遂家焉子行舉茂才官褒城令

周英

舊志字時俊貢士授直隸河間推官操守廉潔平反  
得情有政聲郡城井水素苦不堪食民病之英指  
命鑿泉果得甘泉民呼爲蘭公井補任山東濟

塘

舊志字器之弘治壬子舉人任潞城令清廉愛民甚  
著恩惠九年秩滿民請闕復請留一年遷松江通判  
專司糧務先是荆松江者率授諸邑糧長陋規賦稅  
積逋不納塘至悉却之由是徵輸無欠自奉尤儉郡  
守每與同僚語曰吾輩自奉當以史君爲法署篆上  
海以惠得民建生祠祀之後老歸里却謝一切非公  
事未嘗入公庭年九十餘卒

簡新

舊志字士勉正德年貢生性孝友閉戶闔修甘儉約

歷官陝西整屋主簿以才能稱攝縣篆尤多表見人  
頌廉明居鄉尤多樹德

高惟孝

舊志字一人弘治戊子舉人樂易簡重溫雅謙和初  
與姪輩析家業其厚腴者悉推讓不自取以易經名  
世除湖廣蘄州知州節費省刑民翕然帖服遷南直  
鳳陽同知有使者按郡較轅誅求惟孝曰吾生平清  
白豈剝民以媚人耶即促裝謀歸適遷南京戶部雲  
南司員外郎尋轉郎中歷廣西慶遠知府時蠻寇告  
警惟孝宣布朝廷威德招撫寇成率服歲大旱  
二禱雨俱應人戴之如神明解綬歸有司檄移再  
卒不起鄉居惟常服羸騎約同志四人為五老會晚  
節手不釋卷尤邃於易年六十九卒

齊君問

蒲州名宦志偃師舉人知猗氏縣雅意右文以德讓  
風勵為務公餘輒出郊徧履原隰規度地頃差品高  
卑以為徵課緩急豪猾無所容奸邑以大治被誣而  
去民稱屈立祠祀之

武大寧

舊志字健庵隆慶丁卯舉人累官陝西臨洮府通判

臨洮古隴西郡烽警時聞大寧奉上命賫金帛以恩  
威曉譬綏安邊陲勞勩著績錚錚有聲家居孝友嫻  
睦篤愛閭黨里人頌之

張可述

舊志號泗濱萬歷丙子舉人授陝西通渭知縣累遷  
南直隸鳳陽同知爲政敦尙教化不任刑扑所在有  
治績性孝友撫姪如子比析田宅產業召子姪及婿  
均分之尤篤睦族里人稱長者

張蒲

舊志號鳳麓萬歷癸酉科舉人授臨潼知縣和平詳  
以慈惠著值歲大旱殫力賑卹多所全活時有一  
分銀卽入饑民手一粒粟卽入饑民口之謠詳載臨  
潼志名宦傳擢御史巡歷屯田草田帖銀二萬有奇  
歷陞陝西布政使司右參政恢拓崧山疆土三百餘  
里爲前代三大功第一上褒之錫金賜廕晉秩一級  
食俸二品

萬完植

舊志字無翳萬歷丁未進士除山西屯留知縣尋補  
陝西韓城縣縣爲回寇出沒地數罹侵凌完植下車  
修武備選壯勇擒獲甚衆由是寇懼不敢犯草檣頭

清贖緩惠政大著尤持法不阿不受請託調武清令武清例有聖母香火銀若干時中貴邢洪又加增牧馬名色銀民弗堪完楹至悉為裁減中貴徵索暴橫完楹杖之以狀聞羣瑞懼亦以拒朝命擅杖天使為辭朝廷置不聞權貴合謀排陷調大城令自陳乞置開局改河間府教授尋遷順德府推官甫之任道過內邱而庫藏失盜視篆者泣訴之完楹慰之曰勿驚銀俱在也乃召司吏詰之曰庫藏司吏責也茲被盜與守者何事吏作為病狀完楹亦慰之令寧家使人伺之吏至家則揚揚自喜以為得計立召吏不煩刑司吏已伏辜出其銀封緘如故鉅鹿有茂才素許令令以人命株連繫大獄完楹察其寃立豁之遷南京都察院經歷南京勳臣素暴橫不法臺省莫能制會朝失儀完楹糾之將抗章疏其不敬狀哀請乃得免由是風暴頓戢有寧逢都御史莫逢經歷司之語旋晉戶部員外轉郎中時國家多故帑藏匱竭完楹歲節省寶壽龍旗燈帘等項銀十四萬餘兩以資國用陞湖廣衡州知府禁加派蕪驛困節制礦徒法戢猾人肅然稱神明尋以病乞休歸居林下十餘年葛巾野服片楮不入公庭郡縣守令非公事不相見里

邑有爲民盡者則力除之卽遭流議弗恤也其與民  
爭利之事誠其子弟絕口不許道時號爲廉介君子  
年六十四卒卒之日里巷罷舂泣涕爲礱石紀德焉

### 王世業

舊志號玉峯嘉靖己卯舉人孝友誠篤歷寶鷄太原  
知縣以循良著聲

### 張其平

府志節王鐸撰墓志字心矩假師人萬歷丙辰進士  
爲行人擢銓部選法疏稽滯至考功主外計黜者同  
廢言爲冏卿攻劾善數晉不姦都贖錢尋巡撫保

邢州西土寇數萬同爲梟倡義提士伍往一鼓殲之晉

副都御史中樞檄鎮良涿移霸州方抵霸又檄守阜  
城門上念其平勸王先至賜幣鏹未幾真定被圍諸  
將不敢前其平拚死救之圍乃解入城城中援兵十  
萬不動徒索芻粟內擾其平請總督中貴躡勦皆菜  
色躡喘亦不動其平分將援邢洛內邱滑濟多所保  
卒以掣肘不如意爲封疆獲罪

採訪事實居官公忠自矢嘗荐孫夏峯爲國子祭酒  
每樂興利除害所建邑東有大石橋鳳翔菴

### 王家柱

舊志號熙寰萬歷間拔貢有器量工文藻任山西鄉  
寧知縣有循良之譽累官江西饒州府通判

國朝

張爾統

舊志字伯承參政蒲孫萬歷戊午舉人工詩賦除鹿  
邑教授談經課藝清勤稱職鹿城被寇分守北門有  
保障功 國朝授中牟教諭陞國子監助教病歸尋  
卒子祀別傳

毓倬按張爾統同温九臯王德顯蘭挺達崇正九年  
佐邑令夏士譽募習義勇保城見王鐸碑記後

張鈞

舊志號九龍崇禎己卯舉人 國初豫親王辟入幕  
多奇策以軍功授江南松江府知府招撫流亡有政

聲

張岳

舊志字崧侯任俠好施以緩急告者無親踈悉傾囊  
贈之友朋歿於明末值寇亂不克成葬岳掘坎掩尸  
負土成墳後避亂轉徙至閩以武勇舉材官召至福  
建總兵 國朝以原銜統屬伍移鎮湖廣岳以偃為  
桑梓地亟請調豫奉



言俞允復隸僊籍

三德顯

舊志字秉懿順治丙戌進士少失怙事母至孝賦性醇篤好讀書諸子百家靡不殫究人稱為書筍授山西平陸知縣甫下車卽除供給草行戶務為簡易政刑清平仁聲懋著歸休後詩酒自娛結社會文士論歸之

張杞

舊志字樸公爾統子順治戊戌進士授四川夔州府李改補湖北鄖縣知縣兵燹之餘拊循瘡痍修城垣課農桑興學校民漸復業甲寅閩弁楊來嘉以房縣叛時洪福鎮鄖亦閩弁也乘機竊發適鄖城駐防提鎮鄖事候代官兵失統民氣沮喪杞急走馬號城中曰死生命也忠孝性也此正吾輩致命之日諸百姓勿避難棄義委心於賊民情始安尋王師數萬屯鄖芻菱糗糧供給旁午無不立辨邑事亦不廢弛兵民咸輯報凱以軍功陞貴州永寧牧亦有政聲子熾別傳

董色起

舊志字印韓順治辛卯舉人博學修行初署鄖陵教

論以興才育士爲已任陞直隸沙河知縣在任數年  
獎絕風清政事修舉有循聲孫晟字良器溫雅方正  
登康熙庚午賢書授鄧州學正

李希昉

舊志字衡公祖向芝宣平知縣希昉中康熙丙子舉  
人沉靜謹密雅量過人除上饒知縣革陋弊設義塾  
甚有德惠

喬履信

舊志字實夫幼穎悟祖魯菴授以經書言下輒了了

以祖秉鐸商水遂占籍弱冠連捷成進士分發陝西

通志承委分編同業

富平復調咸寧先後攝篆白水高陵所至有成績

在鄒薦雨太白立降在富平六年咸寧四年嚴操守

慎聽決興草尤夥捐俸建南湖書院置田百餘畝

造士著鄉甲條約設鄉練約正以教民詳語孫姜里

衝決田懸額若干兩草大里長承辦科歛若干金修

邑乘隆鄉飲賑霍災富民咸戴之咸寧爲陝省首邑

富孔道大僚還往供給例用行戶履信白土憲修三

省店爲居停所併置物料存貯供應又以咸倉出借

舊皆舖戶領納里民貼賠設法辦理奸弊一清民獲

實惠三班工食里下私帮歲不下二千餘金悉從革  
除其他善政滋多咸民咸感之尤厚於解推於鄉  
囊送前令羅某之柩於富營高承之喪兼資其帑扶  
櫬歸於咸賄前令倉驛虧項千餘金公餘輒攤書  
誦不自休作為詩文皆卓然成一家言屢膺薦章  
候補主政管縣事以薦候改御史丁憂起復補禮部  
主事候補御史卒於官年僅三十八人咸惜之所著  
有鄉甲條約一册陝西通志三卷富平志八卷寧遠  
堂詩草一卷子德淵已卯舉人

志字夢卜癸卯進士任汾西令培文風興稼穡  
蠶石渠得水田百餘頃撫臣以薦調臨晉逾年丁母  
憂服闋補東流令行取主事累官寧邱郎中所在稱  
職以老致仕歸主兩程書院從遊者翕然化之

李向芝

採訪事實字衷芳順治己亥進士博涉經史工於詩  
歌揮灑成一家言初授湖廣德安府推官改補浙江  
宣平縣知縣邑新內附向芝至招撫流亡開墾荒田  
又為設立社學一時人文丕振詳載宣平名宦傳旋  
調遂昌時沿海餘孽數入寇為邊患警聞不絕向芝



編隅立社學延師以教子弟立大社以課諸生文教  
大行卒於學署門生百餘人執紼遠送百里

鄆州縣志卷十七

翰林院編修孫星衍

偃師縣知縣湯毓倬

同纂

文苑傳

蜀

郤正

蜀志列傳字令先河南偃師人也祖父儉靈帝末爲  
益州刺史爲盜所殺會天下大亂故正父楫因留蜀  
爲大將軍孟達營都督隨達降魏爲中書令史正本  
名纂少以父死母嫁單煢隻立而安貧好學博覽墳

籍弱冠能屬文入為秘書吏轉為令史遷郎至令性澹於榮利而尤耽意文章自司馬王楊班傅張蔡之儔遺文篇賦及當時美書善論蓋部有者則鑽鑿推求畧皆寓目自在內職與宦人黃皓比屋周旋經三十年皓從微至貴操弄威權正既不為所愛亦不為皓所憎是以官不過六百石而免於憂患依則先儒假文見意號曰釋譏見藝文景耀六年後主從譙周之計遣使請降於鄧艾其書正所作也明年正月鍾會作亂成都後主東遷洛陽時擾攘倉卒蜀之大臣無翼從者惟正及殿中督法南張通捨妻子單身隨侍後主賴正相導宜適舉動無闕乃慨然嘆恩恨知正之晚時論嘉之賜爵關內侯泰始中除安陽令遷巴西太守泰始八年詔曰正昔在成都顯沛守義不違忠節及見受用盡心幹事有治理之績其以正為巴西太守咸寧四年卒凡所著述詩論賦之屬垂百篇

宋

崔頌

宏簡錄本傳字敦美偃師人父協後唐門下侍郎平章事頌幼喪母為外祖母所鞠以廕補河南巡官歷開封簿鄧州錄事參軍上書言事桑維翰奇之擢左

拾遺漢初加朝散階世宗鎮澶淵以為觀察判官賜  
金紫宋初判國子監會重修國學建隆三年夏始會  
生徒講說太祖遣中使賜以酒果每臨幸召講論語  
及經義應答無滯郊祀攝太僕升車執綬上問以一  
時典禮占對閑雅上甚重之乾德六年卒年五十為  
人好詼諧善筆劄受命書世宗謚冊文時稱適麗篤  
信釋氏子曉至太子右贊善大夫

**李淑**

通志舊志俱載為李儼查宋史及  
宏簡錄若谷子為李淑非李儼也

宋史字獻臣若谷子年十二真宗幸亳獻文奇之命

與初遷大理評事為真宗實錄檢討修成改光祿寺

丞集賢校理國史編修召試賜及第累遷禮部員外  
郎上時政十議改侍讀端明二學士以諫議大夫知  
許州歲饑取民所食五種上之帝惻然蠲其賦權知  
開封轉中書舍人改給事中知鄭州移河陽遷禮部  
侍郎除龍圖閣學士出知應天請歸侍養父憂終喪  
罷奉朝請母憂服除仍兼龍圖閣知河中府卒贈尚  
書右丞生平警慧過人博習諸書詳練典故凡所治  
草帝多諮訪制作詔命為時所稱修國朝會要三朝  
訓鑑圖閣門儀制康定行軍賞罰格及繫訓三篇別

集百餘卷

毓倬按宏簡錄載淑子壽朋與次子復圭慶歷初年  
 同試學士院賜進士出身壽朋字延老為人性敏學  
 斷過人由判吏部南曹知汝州歷開封推官戶部判  
 官知鳳翔府司馬光出使薦其能加直史館入直史  
 舍人院同修起居注進戶部鹽鐵副使復圭字審言  
 臨事敏決稱健吏由通判澶州為度支判官復知涇  
 州民立生祠以祀歷湖北浙江等六轉運使進龍圖  
 閣知慶州又知光化軍滄州還為鹽鐵副使終集賢  
 殿修撰知荆南因舊志偃師者故不載入政績錄  
 依據又未審其仍隸籍偃師否故不載入政績錄  
 淑傳後淹博羣書者攷証得實補載可也

張山甫

康海武功志偃師人熙寧間除武功主簿與程伯海  
 朱光庭皆以才名關中號為三傑又與張橫渠友蓋  
 故武功因有子厚綠野亭

元

程莖

通志字彥魯偃師人博通經史仕大中大夫河南路  
 總管轉集賢院直學士



明

詩蕙

明進士題名碑錄偃師人明史本傳字君采年十二能詩舉正德九年進士授刑部主事諫武宗南巡受杖奪俸旋引疾歸起故官改吏部歷考功郎中嘉靖二年廷臣數爭大禮與張璁桂萼相持不下蕙撰為人後解為大後辨及璁萼所論七事上諸朝解有王下二篇推明大義天子大怒下鎮撫司考覈已貫出之奪俸三月蕙遂南歸既而事自刑部數移文促蕙

起蕙見璁萼等用事堅臥不起十八年詔選官條春坊司直兼翰林

卒矣蕙貌癯氣清詩已峻潔於書無所不讀學者重其學行稱為西原先生朱彝尊詩話先生古詩自河梁以迄六朝近體自神龍以及五季靡不句追字琢心摹手追歛北地之菁英具信陽之雅藻兼馳功之精詣卓然名家

毓倬按府志云先生世居偃師其前代祖塋俱在轅轅府南之薛家村後徙居亳州入籍直隸武平衛故史傳皆以為亳州人今據碑銘及梁園風雅仍載入偃師舊志載蕙人物而無徵信故為朱志所刪今照

府志補人

張光謨

舊志蒲之子也庶生穎敏過人不隨父宦遊喜從師  
塾受之書能旁註臆解精舉子業隄於遇尤工五七  
言古詩更善攷証諸書畫名跡古碑彞敦之屬晚年  
焚香啜茶日課吟咏不及外事人服其高雅

李肇修

朱志字人紀少失怙七歲知書見輒成誦每晨在母  
前背孝經一遍母有拂鬱則嬉戲以求愉悅十七入  
庠尤敦躬行不事聲華晚年築室南澗教授生徒感  
就書影所著有南溪講義緱山草堂詩集

呂玠

字景玉歲進士幼聰慧十二歲能文章學使臺賞識  
之謂宜老其材以俟大成弱冠後入庠冠軍者四每  
上憲觀風月課輒首列歷任縣令皆留意培植玠性  
孤介閉戶吟咏博極羣書友教四方晚年家居主後  
進文會誨人不倦成就甚多卒年七十三

國朝

姬之篋

府志字象方髫年失怙恃事繼母以孝聞及長肆力

學問稱博洽登順治己亥進士時藝古文俱成一家  
授霍邱知縣治行大著有芙蓉山報政紀畧並蓼園  
實政錄四卷陞戶部主事謝病歸卒年七十九所著  
有買山園集

厲獻徵

朱志字熙宇邑庠生性耿介恬淡自若於戴經窮其  
闡奧贈行人司行人

朱永禴

朱志字伯棟洧川籍偃師人順治丁酉舉人工書翰  
所為古文詞高邁表俗尤長於詩沈維古健間類金  
四書詩經制藝坦莽詩草公餘翰墨散著等書子代  
字山長康熙壬午舉人制藝詩歌自成一家終杞縣  
教諭

喬一房

朱志字玉壺少聰慧嗜學淹貫百家為諸生試輒冠  
其曹數奇不第以明經仕諸城訓導陞原武教諭所  
至以興學育士為任尤工文藝所著古文詩歌駢體  
皆成家遭亂多佚散今存有拾餘集

張熿

朱志字曉生知州杞子歲貢生端慤老成平易近人博學稽古尤工詩文授儀封訓導與士子歌咏相倡和諸生被其教者如坐春風解組後年近八旬親友有求詩文者猶耐應無倦容稱為邑中文獻

言鼎祥

府志字元臣偃師人進士知山東陽信縣子諒易直民戴之罷官歸主嵩陽書院後學多所成就所著有左絡取左傳之脉絡相通者聯絡之也又有怨菴詩文集

石壁

府志字陶師偃師人生有異相鐵面癯肌雙睛外突閃閃若電讀書畧觀大意不屑屑於帖括其為文語羞雷同丙辰丁巳始聯捷成進士大梁山長魯秋騰先生甚竒之未幾病亡有才未竟其用士論惜之

趙三才

府志字兩六偃師人以五經魁於鄉方其少也試輒冠軍復肆力於問學通籍後本其心得者言之著十三經要義易史未成而卒

裴希純

節孫枝榮家傳字敬齋邑恩貢生學究本原著述

尤夥詩文縱橫恢譎姚佚野諺無不收羅賊人心目  
屢試不第買山名月灣築室教授其中分試郡志山  
川物產攷据精當所著有易蓺周易溪提二禮會元  
論語新目寄亭詩文集名山集海鶴集青囊淵源著  
千卷卒年七十五

史廷輝

採訪事實已酉拔貢弱冠知名任葉縣教諭勤攻課  
重實學士風大振歸教徒河洛間年近八旬日與講  
貫性理經史著有四書講義理學名篇濬心集文稿

戴蒙

採訪事實字召南楷之弟歲貢生平潛心經學尤  
邃於禮坐卧一小齋寒暑丹鉛不輟蒼翠羣說撰禮  
記擇言十卷著有空谷文稿詩草以明經終士論楷  
之兄檢太學生督理家務以供弟膏油之費焉

郭楠卿

採訪事實已酉舉人耿介不阿學問淹博士林推重  
著有偃師西境攷依据精當弟梧卿甲午舉人與兄  
楠卿窮經績學丙戌會試

欽賜內閣中書

張爾繪

採訪事實字素養滿之孫年十二以默誦十三經入庠以母病不進取肆力經書任衛輝教授歲饑出家資三百金助賑上憲器重之予告歸仍友教四方著有禮菴詩文集四書口義五經詳解諸書

張來貢

採訪事實字燕侯績學尚義三十而鰥遂不娶授延津訓導廼主兩程書院一時成就者甚眾

張威

採訪事實字伯重博極羣書尤工詩畫任陽武訓導筆墨之暇與諸生詩酒唱酬嘗有禮宗一冊存學宮

張

採訪事實字合符喜博覽追摹古帖有城隍廟張姓施地碑草書做十七帖極佳

王仁淵

採訪事實字涵九弱冠名噪鬻官試輒雄其曹工小楷與邑令郭振共講晉法書帖盈架惜屢薦不售以明經終

趙夢鴻

採訪事實字鳳臣弱冠有聲庠序通經籍能詩賦不樂仕進教訓杏園莊子弟著錄數百人著有百愚堂

文集晚年著十三經摘要未成而卒

偃師縣志卷十八

翰林院編修孫星衍

同纂

偃師縣知縣湯毓偉

孝義傳

唐

畢桐

新唐書畢構傳弟桐以太府主簿留司東都聞疾  
構馳歸哀毀如大喪雖變服未嘗笑天下稱其友悌  
終荊州司馬唐書宰相世系表桐豐王府長史

畢宏

夏商系志

卷十八 孝義傳

韓愈畢塢墓志銘塢家破時始四歲與其弟增以俱  
幼漏名籍得不誅卒俘賊中宗人宏以家財贖出之  
養於家教讀書明經第

元

陳用忠

舊志字公達儀表整肅性行溫雅鄉里有善士之目  
性至孝甫冠失恃事繼母無間言待弟允忠備極友  
愛至順間廕父官補太常禮儀院太祝轉承務郎遷  
廣行中書省承發架閣管勾以清白自持改滿遷奉  
訓大夫秘書監丞

張恭

元史孝義傳偃師人以兵部符署鷹房府案牘親養  
辭歸侍義父喪過哀奉母馮氏尤謹歲凶夫婦採野  
蔬爲食而營奉甘旨無乏母疾恭手除溷穢喂哺飲  
食且嘗糞以驗疾勢天歷初西兵至河南居民悉竄  
恭視母病項中一劍不忍去母驚悸而歿恭居喪盡  
禮人稱孝焉詔旌其門

明

簡芭

通志字叔禾偃師諸生性純孝母疾親嘗湯藥夜不



解帶者五旬及卒哀毀骨立遇歉歲出粟賑濟貧乏  
存活甚眾野遇露骸施棺瘞之闔里稱孝義

武崇雅

通志偃師人性至孝遭寇亂奉母避兵某寨母失足  
墜溝崇雅與妻棄幼兒投溝急救竟死母妻幸無恙  
妻劉封崇雅屍乃負姑去平定後劉奉姑教子尤稱  
孝謹年九十餘卒

王朝海

舊志字東之邑庠生母早喪事繼母張氏極敬慎及  
卒時兵凶弗克葬葉厝隙園廬側三年祖妣孝義會  
祖時病失明旬旬台哺之行輒背負祖母智氏病且  
瀕易藥衣不得帶者彌月性樂施宏治間鄉人貸若  
翁錢楮弗克償海勸翁悉焚券鄉悍夫曲會與齊  
兒戲喜萌死奸將以會抵罪海聞詣縣白其故得全  
生且代會為葬資不令償後會改行有郭生者以問  
親經澠池縣患盜冬寒海即以所衣狐裘衣之正德  
壬申逆賊攻城乏糧海毅然出所藏稿士復蓄敢死  
者捍禦城賴以免有司表其門

馬棟

舊志字伯龍邑庠生天性淳篤事母王氏以孝聞及

卒哀毀過禮雖隆冬衣不加絮履不著襪哀慕寤寤  
感烏鴉白兔之祥有司褒之樹碑於墓旌其門

馮啟昌

舊府志字子成賢偃師庠生純朴好學父疾醫藥弗瘳  
剖骨食之尋愈鄉里稱孝

張光宙

舊府志字任久參政藩子蒲補滇南病瘴篤光宙隨  
侍時年幾五旬衣不解帶進藥嘗糞竭盡心力蒲卒  
於桂陽萬里扶柩號泣哀毀終身不茹葷有司旌其

郝隆 魏柔

舊府志偃師人正統六年歲饑三人各捐粟一千一  
百石英宗降勅畧曰國家施仁養民爲首爾等能出  
穀若干石用助賑濟有司以聞朕嘉賴之特賜勅獎  
譽勞以羊酒旌爲義民仍免本戶雜泛差役

張清

舊府志偃師人嘉靖二十九年歲饑出銀五百兩賑  
濟有司旌之

于應鍾

舊府志偃師人與兄林鍾共修墓嶺下石橋里人立

碑道左

文光

舊府志偃師庠生家貧有守拾遺金三次各還原主  
酬之不受里人嘉其義

喬確

府志偃師人性勤儉樂善好施值萬歷間歲荒斗米  
千錢確捐粟賑濟全活甚衆後復饑確復捐賑有司  
屢旌其門

時中

府志字龍田博覽羣書足跡履城市教子其平以  
名顯生平濟困扶危廣行善事節贈大小大夫

鳳

府志字來儀監生性耿介治家有法妻卒終身不娶  
詔建坊旌之門人私謚曰介肅

李通

府志石刻偃師人正統六年歲饑出穀一千二百餘  
石助賑邑人立碑以旌之

韓佐

補宋志事實佐太學生成化二十年邑饑捐粟五百  
石以濟貧民有司屢旌其門

舊府志

舊府志字恬如偃師廩生嗜學尚義邑東有鄴溪可

灌田榆鑿石門渠延印麓數里許不藉一力而功成  
自是田無旱災郡守旌其門紀其事立碑孫家灣道  
側

毓倬按楠然與監生蔡永芳生員臧竟成崇正九年  
佐邑令夏士譽募習義勇守城見王鐸碑記後

張煇

舊府志字葵旭偃師庠生其平子好學篤行事父母  
以和愉率諸弟以謙謹流賊渡河慮城難守乃出  
之力也邑人感之爲勒石紀功今碑猶存

毓倬按邑西郭外堤下通衢之南舊傳有卧碑命工  
揚之始知爲明邑令夏士譽募習義勇保城禦寇碑  
記王鐸撰并書文辭壯富書法遒勁載崇正九年流  
賊煽揚士譽募壯勇爲守備計得趨勇五千人朝夕  
訓練擇張以奉王永禮張以德等二十三人各給職  
銜以統之軍威遠震賊偵駭遁記見後藝文志中碑  
後小字非鐸所書僅列劉景蛟景習趙光祚以下三  
百二十六人名當是里人鐸其功最表著者字久且

憲漫聞十五年流賊陷城士民從邑令徐日泰殉難  
 者甚眾九年義勇亦有在其中者姓名無可紀頃採  
 訪者呈周景耀一人碑內作景要死北門內惜無實據未  
 便登忠節傳內偃師民忠勇剛果能赴國難出於天  
 性雖滄桑久易緝閱前事每為墮淚碑前輪蹄如  
 百餘年三次修志俱未採及湮沒可歎茲急錄其事  
 附修城義士張焜傳後諸豪傑名以志體謹嚴未  
 全載而英風毅焰猶騰踔燭光畢瀋間使賢宰援  
 梓鼓誓眾揚威之概亦凜凜有生氣昔於越君子  
 千人無一名傳於世諸豪傑得於斷螭殘盜千載  
 使人尋繹嗟咨亦未可為不幸也

國朝

張一星

舊府志偃師人母疾醫治不愈聞靈山神賜藥膝行  
 乞之回至義井或言割骨可愈星如其言病果瘳道  
 府皆旌其門

史洞

舊府志字亦元偃師庠生有隱德因母疾習醫以孝  
 聞著有麻訣傷寒論纂增補壽世保元行世

朱紱

節朱志明末流賊殘破都邑級與諸生袁鴻儒石仁龍里民袁蕢朱蕃山大緒石蘊珠等與本村修築禦寇先是縣城爲賊屠邑令士民皆避亂於此崇正十五年流寇擁衆圍寨環攻累月級與趙還石蘊璞石出佩馬希吉裕學六人晝夜固守時出奇謀搃賊管賊戰不利解圍去寇退後遺骸遍野級等領鄉人掘坑瘞之縣令詳請各給冠帶兵燹後偃師圖籍獨完皆級等力也

### 喬正第

朱志喬廷謨傳父正第邑庠生八歲遭明季寇亂隨母薛氏避寇投溝溝深十餘丈迄無傷視母已死負土石封識乃逃去及長事父繼母以孝聞

### 董蘭

府志明末遭亂蘭弟明仁妻魏氏爲鞏縣兵朱八所掠蘭與父國器控縣府斷歸完娶朱八隨竄京軍籍誣告國器奪軍人妻因縱繫國器夫婦及蘭明仁魏氏至京下獄論戍蘭誓以死自父冤會賞盡奔家鬻產計程三千六百里往來僅六晝夜天寒涉漳水足指潰落適衝貴戚儀衛被筆幾斃卒得理如縣府讞蘭及明仁挽車載父母還鄉里朱志蘭後爲邑庠生

年七十餘卒

武朝龍

府志字海泉親老家貧事之益謹妹適王氏夫亡遺  
子在抱家尤貧窶朝龍竭蹶贍給二十餘年甥得成  
立妹以節著朱志朝龍教子義方子紹周登進士歷  
任有循績入為吏部郎中

王道成

舊府志偃師人樂施予修書室二十餘間延貧士肄  
業其中重修大成殿黌宮煥然志有貧婦邵氏年  
老無依道成收養以終其身娶婦劉氏貧不能葬道  
成買棺瘞之

李永悅

舊府志字還初偃師庠生孝友體躬存心行事謙抑  
自下邑人無不稱為長者

楊守仁

舊府志字毅菴偃師人家貧嘗兩拾物約值百金悉  
還本主毫無德色有司匾旌

楊梓

續通志字木王偃師人父卒三年不落髮不入內不  
御酒肉事母益謹母歿盡哀如居父喪時

喬永榮

府志字顯聲偃師人族叔嵩琇無子其妻程氏僅四女永榮以從姪爲嗣事程色養兼至妹四人厚其資奩家爲中落母卒後待之如初本生弟數蕩產永榮屢以己田與之無吝色人稱其難

張桓

府志字虎臣偃師人性孝母歿廬墓三年事父教授爾繪色養彌篤父病劇時桓年已六旬嘗糞以驗病勢歿後廬墓如母喪郡守李士适旌其門

史宏緒

府志字繼先偃師庠生少醇謹事親孝居內外喪哀毀骨立建祠堂歲時祭祀如禮又設衣冠祔食二龕分祀先世仕宦達人及無後者舉鄉飲饌賓

呂瓚

朱志字參一增生少以孝聞及長謹身力學博涉經史有山伊洛間然性耿介未嘗涉公庭與諸弟友愛最篤與人接則勸以爲善立品臆如也年八十一無疾卒子岳祚癸巳舉人鼎祚癸卯進士

王士彥

朱志字吉士邑增生析居時以肥產讓其兄弟自取



硤瘠叔祖憐之給田產勸入監士彥不受力學成名  
巡撫雅爾圖旌其門

李振鐸

朱志字醒羣以廬居族不索租歲饑必以餘賑之歿  
卽割地以瘞買僕還不索價娶妻遣之山東徐姓自  
西遊歸過偃病篤醫藥殮葬皆鐸經紀

姬周嗣

朱志字憲齋之篋父妻亡不再娶施墜地焚逋券盜  
行尤多

王繼世

朱志字仁寰舅氏年老孤以腴田八十畝贍之終  
族叔老無依者以莊院地 卹貧困率類此

孫鼎龜

朱志增生父舌耕於外獨與母居澣濯厨饌躬任之  
每執爨挾書而讀十七入泮不樂言仕進色養彌篤  
年八十二卒子楠卿乙酉舉人

張熙

朱志字帝載歲貢生慷慨好義嘗代人贖子女又施  
義井捐地畝讀書太學者三年

趙秉量

府志字公掄增生鄉里多所周給嘗置二僕女人具多金購為妾堅却之為擇配嫁之有負債者皆焚其券

李希藩

府志偃師庠生博學好義晚年遂於岐黃多所全活台藥救人不取直子世汪世熹俱廩生

郭宗周

府志偃師人專繼母劉以孝聞劉愛之不異已出對子延周見兄食指眾求與兄合爨兄不可其母力主之終身同居鄉人兩義之

郭繼周

府志偃師庠生母年老失明繼周寢食必親侍尤好義多周濟貧乏鄉里稱為善人

鄭曷

府志字顯齋偃師人父患癰數月不愈曷口吮其膿血而愈

王坤

府志字萬生偃師人性孝少喪父祖母郭氏母汪氏俱孀居曾祖國佐為諸生驟而薨命坤就外傳對曰三世白髮心注一孤何忍一刻離耶因日以孝經誦於

傍色養脩至後舉鄉飲介賓

戴楷

府志字聖木偃師增生性坦易近人篤於學以孝友稱晚年寄情吟咏以自適以長子書紳貴

誥封奉直大夫季子書丹舉人

裴希伊

府志字覺齋偃師人幼失怙依母膝下先意承志事三兄甚敬侍兄疾衣不解帶者累月尤精岐黃人有求者雖寒暑不避愈輒忘之

喬欽

府志偃師庠生篤於實行嘗出已田建祠堂以合遺族子履信廉俸所餘恤貧助喪不可枚舉三舉鄉飲任士堯

府志偃師庠生家世仁讓自在德溥傳世十代同居共爨士堯爲家督更立規條內外肅然一門百口無間言子天理庠生

王啟賢

府志偃師人端方好義陝西劉某遺數百金於岳家灘啟賢拾而還之有司獎其義

續通志彙載

偃師縣志

卷十八

孝義傳

三

李興泰鮑悅齊楊富俱偃師人三人割骨療親疾  
楊景賢張戊偃師人賢乞食養親戊蹈火赴媻母之難  
按朱志載張戊事父母以孝李向蘋赴媻母難

朱志彙載

王牧鰥居不娶者 廩生王廷旦品行端方者 監生  
王大興王大謨韓國臣戴鵬霄董國士常玉乙李生恩  
郭秀英賈守芳監生段成繡趙瑜監生鐵重器李生蕃  
張繼先蕪接聖李發榮李含輝皆捐金粟賑饑者 生  
員李希靖姬橫田茂雲生員王琦張起朝儒士王顯鳳  
生員姬卜世席君敬彭貞元皆輕財重義優卹族黨者  
生員王長民監生王廷陳生員王惠民施船濟涉者  
監生段若炳建茶菴濟行人者 張繼業姬宜生張  
良學拾金不昧者候選吏日張琳監生段若蘭買僕聽  
其自還者生員蕭涵徐大有徐珩皆建楊村渡橋者  
任天篤

節 旌表事實始末及劉太守九世同居記儒學翁  
生任天篤任氏家長居顧縣鎮自其四世祖光玉至  
四世孫瑞豐九世同居共爨男婦共一百六十餘日  
先是庠生士堯爲家督立家訓四條天篤等遵守焉  
首重喪祭以老幼爲豐儉用朱子家禮不用僧道冬

至祭始祖立春祭先祖稟程子意兼合邱文莊累世同居得行立春一祭之諭家僅地四頃食指繁婚嫁議儉新婦入門許用絛綺廟見後即貯公厨止給布衣女十歲授以棉花教紡織隨時變易以為粧奩之資慮家道之離恒起婦人新婦廟見三日後即以此反覆開導俟無間言乃使執中饋比二年自操井臼理饗殮年五十始不執役或不終所天者各婦更番代之無累以勞用勸貞孝厨分內外左右男婦以先後次食世行敦朴無外交歲時饋問有定規親鄰中有貧者必委曲周卹子弟讀書外唯學醫活人不許索謝餘皆自食其力亦不敢輕斥前輩名於乾隆五十一年河南巡撫何裕城以九世同居事奏聞

御賜詩章匾額以旌其門加

賞大緞二疋白銀五十兩令其自建坊

張大觀

採訪事實本城人家貧性孝乾隆二十六年洛水入城奉母避奎樓水勢洶湧衝樓傾大觀左手為石柱截斷若不知躍身水中尋母出沒者屢其孫泣於水而不顧獨隻手舉母出置於樹間又負痛浮水求食

啖母水退大觀手傷發竟死母壽至九十六歲

李彥道

採訪事實窮鄉村民以貧受傭於人愚魯不識字獨能孝父母朝夕食必潔甘旨四盤以進肅容跪拜成禮起則和聲愉色以勸俟父母膳畢極歡然後去如是者五十餘年恐父母寂處工少息必急趨歸膝下撫摩笑舞呼曰兒在兒在人稱血性孝子主人廉知其實敬之不責以勞飲助之父母年皆大耋彥道益瘦今猶在

姬廷實

節武德撰墓誌銘廷實字方珍國子生幼貧承繼祖營費甘旨無缺自糊口不給未嘗告瘁親族諸姑姊妹多窮無依凡教畜婚嫁孤子女身肩其事雍正年間友人張某以事被逮洛陽且不測廷實夜奔赴墮大溝中爲他器物戕入腰脊寸餘血流沒踵起不顧行益疾抵明馳七十里至繫所一衣重殷望之羸迫無人色竟銳身居間爲某脫歸聞者義之季子鳳桐歲貢生孫焜丙午舉人

劉燦

採訪事實字輝山監生居賈於市獨不爲權謀術市

五師系志

卷十八

孝義傳

七

糧騰貴開已困平糶多不索錢給人籽種擇美穀不  
取值某村嫠婦將再嫁聘錢爲夫償債燦聞急遣其  
妻携金與婦俾償之後某婦竟以貞節著名里閭聞  
趙廷煒

採訪事實字輝生親老遂棄學服買嘗艤舟襄陽渡  
口夜聞近岸人家哭聲悲痛訪知車戶中途爲賊攫  
去客貨客送之官追償無措將妻女鬻於他客已成  
劑矣母女不忍離廷煒檢囊中有百餘金勸客收之  
毀其券以全妻女兩人之節亦不向車戶姓名而歸

張廣發

採訪事實廣發性友愛兄廣智病疫已陳小歛衣廣  
發傷痛無措急以口佈兄口噓已氣以接之良久兄  
賴以蘇而穢氣已入廣發肺腑仆於地數日竟死聞  
者皆爲流涕

蔡應泰

採訪事實字嶧山性至孝雍正十二年伊洛暴漲應  
泰母甫歿未葬聞水將至撫棺號泣預以繩橫繫於  
棺跪挽之或勸之去不應已而水大至衝房屋應泰  
隨母櫬流下沿岸衆急救之得免棺亦無恙河內王  
姓寓邑貸應泰貲力不能償父歿應泰焚其券仍予

傳自卷之二  
卷之二  
麥一斗俾養其母

王世福

採訪事實字祚遠庠生好義兄貿易折閱負債二百餘金世福鬻已產代償其入義之僅收其半有姪婦矢翁姑意將出之世福曰此不教之過也收至已家教以大義數年婦悔艾送歸竟以孝著徙居北窪地福陋世福設塾廣教不受脩脯讀書者遂眾里人德之爲改北窪爲仁化村

韓烈顯

採訪事實字文韜義士佐之七世孫致授縣尹慷慨好義康熙六十年大饑族黨數百餘家皆謀流徙烈顯盡出其貲安輯之咸依爲命有賊數十騎黎明來烈顯家洶洶欲劫奪族黨哀號請命賊相顧嘆息曰有財者能揮霍如是輦其金不義捨之去

韓輝 韓桐

採訪事實輝義士佐之八世孫有族孫丑幼失怙恃孤苦至不能自存輝終身畜養如己子胞弟桐幼喪父十歲時母改父衣衣之桐知之泣然泣曰兒不忍穿也兄輝有惡疾久癘桐侍湯藥不避污穢與兄共床寢不解衣帶數年不入內室兄歿教姪成立子甲



辰好學能搜邑漢晉以來金石文字

王重莘

採訪事實莘事廢疾母以孝聞母有義子待之如骨肉康熙年間河北大饑有某村民扶老挈幼就食偃師莘憐之以已樂義村廬舍數十間令就居已而不戒於火某慚懼欲自縊莘急趨拊其背曰癡漢此何難了事而輕生耶仍葺之使居如初

秦應聘

採訪事實應聘事父以孝聞父歿殯葬事必援引古禮期合樞在堂事必稟命而行如生時父葬後日號泣盈次其他不收饑荒賣子女贖償更厚贈遺之每歲以已米出糶價減十分之半義行尤多河南郡守張珽旌其門

張德富

採訪事實字子潤年十五父珩患暑症口不能入藥德富以口哺之父歿哀毀瘠甚母與兩祖母皆衰老歲大饑棄書為稗販走數百里歸以所易糧奉膳輒出輒歸烈日嚴冰足為抵祖母蘭壽八十生祖母王壽一百零五歲皆德富承歡順養所致

楊

採訪事實璞寺庄村農乾隆辛巳年伊洛暴漲璞負  
母抱子將登高阜以避至中流水勢洶湧璞棄其子  
獨與母隨波出沒迅流八十里至鞏縣神堤灘觸河  
岸負母出水得生而其子亦被人拯救母子孫三人  
俱無恙人咸以為孝所感云

增生呂多祚行誼端方事父兄曲盡其道者 歲貢陳  
方娃歲貢王維祺處士段潛庠生段浩王成勳監生段  
垣庠生段九疇皆行誼端方者 張麟圖奉養伯父世  
者 貢生蔡文澍民鮑洛張元福皆賜卹族鄉者

李張有慶王 翁皆義不再娶者 教諭楊爾蕙生員  
璠監生智燈 張遂王天秩郭承福王運遠王綱優監段  
照鵬民化于訓張緒良李英發郭南齡郭如恒李希恒  
呂士鴻王國瑞石琮段采章陳元祿趙洪智皆樂善好  
施者 牛照隣董挺李哲王成士張扶桂黃大成陳景  
蛟皆拾金不昧者 張紹先鄉飲王翼龍皆焚券不責  
償者 監生張天秩袁大章皆買婢聽還者 生員張  
夙蘊康熙五十一年捐王家庄橋田者候選州同張炳  
蓋生胡愷楊芳壽黃潞楊芳祿楊芳福周振聲皆乾隆  
三十年捐地造王家庄橋梁者高九成高林傅文保王  
天保許永福皆乾隆三十六年捐地造王家庄橋梁者

候選州同姬麟錫造橋施義田者張魁文造育村橋者  
段和年魏存誠皆捐貲造橋梁者趙秉乾孫庠生玉亭  
皆造黃麟渡橋梁者監生鐵炳羅宗聖皆建茶菴捐地  
者張正體開太后岡下路者蕭書生遠負父骨殖  
歸者楊應會楊搗謙石方來張繼寬馬宏濟景起武劉  
漢賢薛良椿皆學醫活人不索謝者庠生韓彬庇護  
黨急難者監生韓廷甲買僕聽還者監生曹秉誠張  
重山民曹秉智曹秉信張履中溫和張履正溫潤張在  
義曹秉善皆募眾捐貲創修三台峯下車路二十餘里  
長一文寬能通商賈以裨益境內者  
偃師縣志卷十九 關曾孝義端方者

翰林院編修孫星衍

偃師縣知縣湯毓倬

隱逸傳

商

伯夷叔齊

史記孤竹君之二子也讓國而逃武王伐紂伯夷叔  
齊叩馬而諫不聽左右欲兵之太公曰此義士也扶  
而去之武王已平殷亂天下宗周而伯夷叔齊耻之  
隱於首陽山采薇而食之及餓且死作歌其辭曰登

彼西山兮采其薇矣以暴易暴兮不知其非矣黃農  
虞夏忽焉沒兮我安適歸矣吁嗟祖兮命之衰矣遂  
餓死於首陽山水經注河水南對首陽山春秋所謂  
首戴也夷齊之歌所矣括地志即馬里在縣東三十  
里夷齊叩馬諫武王即此

漢

王奕

盧元明緱山記奕隱於緱山景帝屢徵不出遂就  
封隱侯

唐

岑參

岑參曾隱緱山西峰結西峰草堂見參集中詩

王處士

岑參有過緱山王處士黑石谷隱居詩

崔瓘

王季友有滑中贈崔高士瓘詩

滑中即  
緱氏

蕭處士

唐許渾有送蕭處士歸緱山別業詩

國朝

程戴沐

舊志字參斗明末貢生博學嗜古土寇李際遇犯境  
戴洙與眾築寨捍禦諸村庄恃以為安 國初除廣  
東新寧縣知縣辭不就築斗室朝夕讀書足不踰閭  
有生員楊鳳起者與戴洙同時為口子寨長同事某  
專以生殺自恣鳳起以情理遣解多所全活寨人亦  
恃得安

靈國士

耿介中州道學編本傳字爾知以字行河內人七歲  
就塾師知攻苦力學家素貧奉父居偃師之嶽山下  
讀書講道從遊者日衆聞容城徵君鍾元倡道燕閩  
道葉舉子業從受學得聞伊洛淵源之旨欣然至忘  
寢食徵君既歿終復還嶽山營構數椽題曰存一齋  
讀書其中甚自得也暇則携榼與二三同志登子晉  
吹笙嶺跌坐古柏下談詩論文竟日忘返俄感疾自  
作輓詩沐浴更衣視手足卒

流寓傳

漢

李膺

輒倬按舊志以李膺入流寓歿後漢書膺本傳初任  
烏桓校尉以公事免官退居綸氏山中教授常千人

唐章懷太子注後為司隸校尉遭黨事赦歸里居陽  
綸氏今陽城縣城山中無居緱氏教授之事惟漢綸氏故城在緱氏  
縣南六十里綸氏曩屬緱氏縣金時改入登封為緱  
陽鎮是膺當入登封流寓不當混作緱氏入偃師也  
朱志引杜牧贈給事李敏詩元禮舊從緱氏學為証  
攷牧自注李膺退罷歸綸氏教授生徒亦遵用後漢  
書則詩中緱氏當是筆誤

盧植 公孫瓚

後漢書瓚本傳瓚遼西令支人從涿郡盧植學於緱  
氏山中畧見書傳舉上計吏具豚酒於北邙山祭  
先人墳塋慷慨涕泣再拜而去

瓚倅按舊志載植入流寓無所徵信朱志以植本傳  
董卓欲誅植植詭道從輟輟出卓使人追至懷州不  
及植歸隱山谷並無居偃師事刪之今攷後漢書公  
孫瓚本傳有從植學緱氏山中之事是植教授於此  
無疑故與瓚同載入

張伯大 鄧子敬

風俗通居緱氏城中相敬愛如兄弟以教授養聲價  
伯大為議郎益州太守子敬辟司徒

魏

傳目集元

卷十九

四

王弼

魏志鍾會傳並注字輔嗣山陽人王粲族孫居偃師  
註釋老子尤精易學初與鍾會並知名為尚書郎年  
二十四卒葬於偃後封偃師伯

梁

徐徽

新唐書及宏簡錄徐文遠傳父徽仕梁為秘書郎尚  
元帝安昌公主江陵陷俘入咸陽遂家洛州偃師

徽倬按舊志載徐孝嗣為偃師人查齊書孝嗣東海  
郡人仕齊為司空丹陽尹新唐書及宏簡錄文遠

嗣五世孫父徽始家偃師孝嗣在齊時實非偃師人  
舊志誤以徽為孝嗣子又誤以孝嗣為陳司徒故朱  
志不載人物但徽既遷家偃師宜載入流寓今補入

後周

曹卹

舊志蔡人樂道明義嘗讀書緱氏後封上蔡侯

唐

包愷

舊志嘗讀書緱氏山下

毓倬按隋書包愷本傳字和樂東海人為國子助教

流寓傳

卷十九

傳自鼎元 卷十九 五  
聚徒教授著錄者數千人未詳立教之地舊志據唐書李密傳載入流寓詳見下今仍之

李密

唐史列傳字元邃遼東襄平人以廕爲隋左親衛大都督東宮千牛備身旋謝病去憤厲讀書聞包愷在緱往從之以蒲韉乘牛挂漢書一帙於角上行且讀楊素適見於道按轡躡其後曰何書生勤乃爾密識素下拜問所讀曰項羽傳因與語奇之

杜甫

舊唐書文苑傳字子美本襄陽人後徙河南鞏縣曾依藝位終韋令元孫與杜君墓誌銘當陽成侯姓杜氏下十世而生依藝甫祭遠祖當陽君文開元二十九年小子築室首陽之下不敢忘本不敢忘仁義寄河南韋尹丈人詩原注甫家盧在偃師又有憑孟舍曹將書覓土婁舊莊詩

魏倬按子美自開元二十九年至天寶四年皆居偃師有田園曰陸渾莊又曰土婁莊

後梁

葛從周

五代史列傳字通美濮州鄆城人從朱溫爲大將數



立戰功擢爲宣義行軍司馬溫又表泰寧軍節度使  
溫卽位拜金吾衛上將軍以疾致仕拜右衛上將軍  
居於偃師末帝卽位拜昭義軍節度使封陳留郡王  
卒贈太尉

題的

宋史趙及本傳字希之長鄉人事契丹雍熙中王師  
北征乃歸授偃師令因家焉子及

李若谷

李若谷字子淵徐州豐人少孤遊學依姻家趙況於  
韓木更多苛苦輸者欲以取財若谷爲程置庭中別  
其長短大小使民自輸改大理丞知宜興官市置籍  
勾檢湖泆茶稅舊例茶惡者沒官若谷許民轉質以  
償其數民甚便之移知連州眞宗將朝太清選通判  
亳州遷度支員外權三司戶部判官出爲京東轉運  
使會河決白馬調取芻槌同列盧士倫意趨刻擾而  
若谷寬之士倫不悅構於朝使知陝州盜聚青灰山  
遣牙吏招降之改梓州天聖初判三司戶部勾院使  
契丹陞辭不俟垂簾請對遽詣長春殿奏事罷知荆

南郡有土族特廕屢犯法若谷杖之曰吾代若父兄  
訓爾王蒙正挾太后姻爲駐伯都監橫肆若谷繩以  
法監司右蒙正奏徙知潭州畧遷太常少卿集賢殿  
修撰知滑州河齧韓村堤夜馳往督兵爲大埽至旦  
堤完以右諫議大夫知延州延有東西兩城夾河夏  
秋水溢岸輒圯役費不可勝若谷乃疊石版押以巨  
木後不復壞官倉依山而貯穀少使作露囤可貯二  
萬斛他郡多取爲法遷給事中知壽州豪右多分占  
芍陂夏雨溢嘗盜決若谷捕冒占田者逐之每決輒  
調瀕被諸豪使塞堤盜決乃止加集賢院學士知江  
寧還勾當三班院進龍圖閣直學士知河南府勅使  
送葬過者需索煩擾若谷奏令鴻臚預約所調移府  
速爲營辦改樞密直學士知并州民貧失婚姻者出  
私錢以助贖壻或亡賴委妻去爲立期不還許更嫁  
并多降人喜盜竊爲籍其累犯者三人爲保有犯并  
坐悛者削去籍名除工部侍郎知開封寶元初拜參  
知政事讒者忌范仲淹諸人誣以朋黨激上怒若谷  
言風俗美惡在上之人作而新之今一概目以朋黨  
恐正人無以自立帝悟爲下詔諭中外尋以耳疾辭  
任罷爲資政殿大學士吏部侍郎提舉會靈觀加太

子少傅致仕卒年八十贈太子太傅諡康靖

呂太師

程子全書字與叔藍田人程子門人嘗讀書於緱氏山中

范鈞

舊志字君佐蘄州人僑寓緱氏慶歷六年賈黯榜進士試戎事國之大事賦兩漢循良孰優論授儒林郎

范旣

司馬溫公家集字和甫寓居偃師

金

履亞

舊府志芝田鄉人嘗讀書緱氏山中正大中舉進士

第一

毓倬按芝田鄉唐屬緱氏縣見權德輿李公墓誌銘童鈺云緱山舊隸永安金改永安為芝田鎮今屬鞏縣有盧亞狀元坊是亞在金時已屬鞏縣籍以曾學緱山載入流寓舊志入人物則非

陸震

金史本傳字威卿其先東勝人元好問墓表世居洛陽徙東勝章宗明昌二年經童出身中王綱榜詞賦

陸震

流寓傳

九

進士授偃師主簿子思溫舉進士

龔倬按史本傳無家偃師之說然據元好問震墓表及雷淵王思廉碑其塋在今緱氏宜載流寓

元

陳天祥

元史本傳字吉甫趙州晉寧人以兄祐仕河南遂家洛陽元中統初授河南宣尉司千戶屯三义口防遏宋兵事平罷歸居偃師南山躬耕讀書從遊者日衆所居近緱氏山因號緱山先生起招討司經歷拜監察御史抗疏極諫至元中累官中書左丞議樞密

事移疾歸屢詔不起卒年八十追封趙國公諡文忠有所著文集子孟溫舉進士

袁忽赤

舊志襄陵人舉進士爲河南省都事居緱氏有所著卿藥子樂閑十詠

明

何順

舊志字和從陝西臨洮府人永樂己丑進士累官辰州府知府有清操卒於官子冕扶柩至偃遂葬於邨山之陽因家焉冕以拔貢授直隸慶雲縣訓導冕子

傳自縣志 卷十一  
永成年九十三歲鄉飲耆賓

尹寧

舊志字士安永樂十八年授交趾布政司新安府東  
潮州安老縣簿判宣德六年十月調偃師主簿休致  
後遂家焉

國朝

鄭謫星

舊志字無儕江西泰和人順治間流寓至偃工詩能  
斯弛不羈以病卒藁葬城南

